

僊居集卷二十二目錄

詩內編四

朝國

徐日新

巾山志感七律

浣紗美人百詠之一七律

王懋枝

登南峯桃花洞五古

應召

慶湖桃源七絕

朱之鵬

詠余錦娘五古

春日避居村谷五律 遲別駕

蔣宣

讀梅村詩有感五律

尹士鱣

寄懷西張若元同母兄七律

彭之夔

和王容園明府春日勘荒之作七絕

張明焜

登婺州永福塔七古 贈鬼薪吳道文七古

光緒僊居集

卷二十一

詩內編 目錄

重遊憩雲寺七律 新秋七絕

張徽謨

宿李山懷吳士奇五律

秋夜 宿漁家

沈揆

贈周求玉七律

張炳題

鷓鴣行五古

張相韓

石龍山五律

王炳

水簾寺七律

朱庚年

客中感春五古

故廣文秋船馮公示四子

寺七律 鄒介亭明府昌呈馮學師秋船七古 戴學平田

共十寺三 十八七律 鄒介亭明府昌呈馮學師秋船七古 戴學平田

汪銜

題過紅柳五首 項斯坑七絕 沙州種韭已成而去

朱劭英 山居感事五律

林孫枝 弔戴節婦五古 古烈女俞桂行長短句 江書院遺瓦

歌 荆星齋明府挽詞五律 經項書院故址七律
庚辰秋紀錄二 吳忠公墓 重過吳忠恪公墓
縣庭雙柏七絕 蒼李寅菴明府五排
共詩十四首

郭再陽 勸學七絕

郭璉 題許若愚明府八省紀遊詩卷七古 客中登嘉禾

應金心 孝婦詞長短句 打蕨歌七古

徐霞山 夏日齋中漫興七律

張日恕 山館初夏即景七律 郊行七絕

張文 三峯館中冬日即景七律

光緒僊居志

卷二十一

詩內編 目錄

二

朱亢宗 肩輿自朱溪人黃巖界長短句 自烏石嶺舍舟

橋隱居 櫻園先生韋門刻成書後 七古 題瀾
橋詩思圖水簾寺前觀水簾瀑布 兩生行 過秋
聲閣 甲應白沙先生七律 臨海王郁蘭 女史詩 稿題
詞 盧仲生學博以避亂詩 見示七絕 共詩十六首

張一金 夏日偶成七絕

張麗生 和宋聽石孝廉看菊感懷錄三七律

王鏡瀾 舟中即景二首七絕 即景

王魏勝 放言二章六言 智者塔院瓦七古 嶠浦陳長

王殿安 寄弟獻階五古 憤激作七古

吳琮 甲戌五月松筠菴第一集二首五律

何暉 盧仲生司訓避亂與同入萬竹山七律 痛吳君陣亡七古

陳殷

黃梁陳竹枝詞二首七絕
冬夜枕上七律
初夏偶成二首七絕

許氏

思家詩二首七律

徐世蔭

肆業萬松書院登鳳凰山覽古七古
廟七律
南峯晚眺五律
謁張睢陽

右共三十四家詩百十四首

光緒僊居集

卷二十二

詩內編 目錄

三

僊居集卷二十二

詩內編四

國朝 徐日新 字又新 廩生 鼎革後隱居不仕

巾山志感

何年松鶴此依依古寺新涼拂衲衣
講席花猶翻雨落空堂錫已化龍歸
迷離繡壁雲藏塔冷落頽垣竹掩扉
轉眼風光成往事塵中日月嘆如飛

浣紗

美人百詠之一

前溪何處就瀏其珍重凌波石上宜
淺露苧蘿西子臂薄污覃葛后妃私
細思身潔非關水照見花開已滿枝
世上卽今無范

光緒僊居集

卷二十二

詩內編

蠡不妨隨意曰歸遲

王懋枝

字子桂 拔貢 官甘肅莊浪知縣

登南峯桃花洞

名山多幽人勞生惜行脚南峯久耳熟
興至不暇酌同遊已盡返獨往未改樂
牽衣涉層溪攜屐步浮杓絕巘凌青霞
深林下元鶴何年此桃花洞前自開落
仙童去不還無人乞靈藥

應召

字聖卜 順治中鄉科

慶湖桃源

兩岸花光碧水鱗輕舟棹入武陵春
於今隔斷紅塵路不許漁郎更問津

朱之鵬

字元翀號莊菴順治中拔貢著有誰思草

詠余錦娘

文士言能文武士言能武利達在一時儼然居兩府事變出倉
皇何以報君父而况一婦人責彼中流柱僊當卯之歲閩氛滿
譙櫓鏃騎東方來動地聲鼙鼓文不能脩降武不能禦侮仍肆
蠻觸爭如以肉飼虎白骨堆池隍紅粉入隊伍予女盡百千蓬
首攢眉嫵金死有一余水死有一顧顧氏清節并拈出之顧爲吳細君余
爲王內主王本詩禮家家風嚴秋矩余氏世儒林賢書登厥祖
窈窕當于歸敬戒遵傳姆在御方調和有女堪摩撫何期百六
逢公孫劒器舞喉斷三寸間血流竟如縷冰魂及九泉玉釵留

光緒僊居集

卷二十二

詩內編

二

一股以性還天真以形歸安土骨節不染塵甯與草木腐彤管
允無愆名教斯有補遠過簪纓羣巾幗何足數

春日避居村谷次攝菴韻

隱居不近水難得杜家菱但願留窗草無煩弔剡藤送青山作
主生白月爲朋世外紛華事於今知未曾兩浙輶軒錄

遲別駕視篆僊邑

遲維培字伯申奉天人

太原稱世胄湘守見承宣丹陛符新下黃堂佐獨先清風披蓋
竹明月照仁泉經國兵儲裕開商吏弊蠲歌廉思飲水借寇乍
登僊撫字心彌切催科政得全圓橋言采藻犴戶斷飛烟草木
知名重雲屏紀姓傳高才凌北斗輿誦徹南天

蔣宣

字欽睿 歲貢 官藍旗教習

讀梅村詩有感

浮生欠一死此語劇辛酸絕代宮詞艷傷心國步艱吟詩愧皋羽題墓擬遺山如讀蘭成賦干戈淚暗潛

尹士鑑

字子美 歲貢 寓黔陽

寄懷西張君元同母兄

四十年來老弟兄一朝隨宦竟長征蒼茫浙水何時渡歷亂黔山莫計程忽接裁函如隔世幾驚夢語若聞聲何當便把春歸棹笑指桃花逐浪輕

彭之夔

字舜卿 任訓導

光緒僊居集

卷二十二

詩內編

三

和王容園明府春日勘荒之作

初驚殘雪暗山椒載上高岑四顧遙滿目蒿萊身共影監門此際不堪描

張明焜

字木生 歲貢 生有漱石居稿

登婺州永福塔

永福塔高侵碧落云是赤烏二年作相傳經歷千餘秋紫霧冥冥雲漠漠異國春風動早鶯登高聊寄旅人情晚鴉芳草斜陽外一望蕭蕭感慨生白頭父老遮予說曾見通城流赤血十萬人家一旦亡燐燐鬼火半明滅屈指纔過三十年烽燧西來復燭天 王師力戰孤城下白骨相撐劇可憐今春前夜因元夕

遺民爭慶狼烟息銀樽檀板柘枝歌不及當年十分一憶昔閭閻殷盛時朱闌掩映柳參差簾捲東風日高起金鞭爭逐少年兒紫簫夜夜吹明月桃花影裏人如雪攆毬簇簇奏銀箏絃索嘈嘈彈鐵撥春風簾幙豔當壚鶯聲问到杏花無十萬青蚨散漫使歸來隨處有花扶還有健兒爭擊劍淋漓頓挫光如電耳熱長歌碎唾壺封侯爭上承明殿一朝鼙鼓到江東鐵騎鱗鱗捲朔風頑民不識皇天意枉使紅妝一郡空清廉太守勤招撫幾載焦勞纔數戶金鏃常時拾地中冷月淒涼照環堵王謝金張族盡零屠沽都是異鄉人老叟幸留家亦滅年年蒲柳泣殘春當時情事何堪說江草江花悲欲絕天涯婦女望金華琵琶

光緒僊居集

卷二十二

詩內編

四

猶哭秋江月

輶軒錄

贈鬼薪吳道文

落葉蕭蕭風晚急愁雲怨霧爭相泣忽聞剝啄啟柴扉有客倉皇隨兩人客自新安千里行飛語遭誣遣赤城赤城新經百戰後惟見山高共水清朱家俠氣今何有柳車空載山中酒如我鷓鴣棲未安新炊僅摘荒園韭憶昔當年相識時耳熱樽前唱柘枝檀板輕敲雲度緩銀箏慢撥日歸遲世上風波真莫測鴻飛冥冥人猶弋赭衣忽爾作鯨徒江南花鳥俱無色新安家學數商山節義文章不等閒胥靡已入君王夢莫遣青山淚盡

斑

題孫墨僊寒林覓句圖

蕭疏一帶高低木畫意詩情矜兩足落日寒鴉亂噪人桄榔一
枝相馳逐似得未得有無間恍忽天機來湊續大叫呼之斗酒
中光怪淋漓盈尺幅不然撚斷半生鬚至理仍從靜裏伏雲間
孫子一老夫筆勢遙追展與陸畫此寒林覓句圖側耳疑聞聲
簌簌不用灞岸一頭驢不用奚囊一箇僕蒼巖怪石白雲連如
逢高士於空谷到處兵戈劇可憐獨此江山堪娛目我欲其間
結草廬秋風夜夜摧茅屋

壽斌王魏明府

十載确田耕負郭種來松樹堪棲鶴挑燈每憶亂離時依稀風

光緒僊居集

卷二十二

詩內編

五

景猶如昨兵戈匝歲阻孤城家家鼯鼠穴空庭不見午烟楊柳
外春風芳草自啼鶯狼烟初熄催科急誅求幾及溝中瘠淒然
百里盡殘疆不見絃歌見杞棘不知何事數年來夜月空明犬
臥苔到處山川增秀麗白雲深處有樓臺年前頻向城中去閭
闔童子知章句盡說賢侯義館開夜深燈火生高樹譙樓還映
赤城霞訟簡刑清蚤放衙隱隱琴聲簾幙靜訟庭二月有飛花
爭說新炊皆脫粟魚生范釜何須肉有時攜盒作春游蕭蕭惟
看千竿竹最喜頻題漢柱名持衡爭待魏元成事父事君知兩
盡黑頭早擬作公卿自慚空谷一窮叟敢忘帝力稱何有聊將
藻潔與泉清躋堂少佐霞觴酒

重游憩雲亭

攜壺重赴碧山堂
好客從來數鄭莊
看竹再摩今日眼
聽歌猶斷昔年腸
沿溪紅葉矜秋色
隔塢元猿怨夜霜
漫道亂餘殊慘淡
黃花偏引縷衣香

新秋

七絕二首一錄

征衫乍冷欲更新
耿耿星河夜似銀
誰送砧聲來枕上
閨中無限斷腸人

張徽謨

字子碩歲貢生有聚書堂詩藁

宿李山懷吳士奇

輶軒錄

歷盡龍蛇窟方能到此山路非
今日改身暫此宵間月冷松枝

光緒僊居集

卷二十二

詩內編

六

裏風清鶴夢閒無由來好友相對此開顏

秋夜

涼風吹月苦孤客悄無眠
俠氣能窮我癡情欲問天
悠悠千載事寂寂一殘編
莫訝微憐者同聲有夜猿

宿漁家

柴門新竹裏一逕繞平沙
風送前村雨簾飛隔岸花
得魚留客飯無酒借鄰家
我亦逃名久相將興自賒

桃洞間眺

隔波晴色亂浮烟
千樹桃花映碧川
一笑風光如畫裏
何人獨棹打魚船

沈揆

字我枚號南村周求玉云南村古貌冰心昂鶴立詩文矜貴並可不朽又云晶瑩沁潔卽之煩囂盡滌

何其映人之深也詩見錢塘柴杰所輯國朝浙人詩存

懷周求玉

天高秦望倚巒岼知已青雲一見難
蒿徑病餘容沈約布衣名
下走周磐十年夢繞屏山暮萬里春
回石屋寒剡曲興來應買
棹相思兩地叙魚竿

張炳題

字熙品雍正甲辰進士歷直隸雞澤廣東和乎知

鷓鴣行

遠民愛長吏相送白了魚俄以鷓鴣饋
謂此味尤殊生拔其毛
羽赤身驚走趨庖丁不施匕一一納瓦
區湯傾旋下蓋戰慄聲

光緒僊居集

卷二十二

詩內編

七

吁吁堆盤薺且脍下箸生躊躇俸錢足
梁肉異味亦何需不殺
死尤慘慘豈釜中炊夙志不在飽胞與
本讀書若非目親覩不
忍心猶虛寄語後來者轉勿遠庖廚

張相韓

子靖君拔貢著趣園稿

石龍山

輶軒續錄

潛龍貴勿用陽氣正潛藏山勢凌雲峭
林陰帶雨涼修蛇盤怪
石歸雁叫橫塘落日催人去題名字幾
行

王炳

字虎文

水簾寺

輶軒續錄

我生漂蕩不曾歸盡日尋山入翠微
百尺飛泉成斷澗千年古

木鎖斜暉靜依禪榻與之寂笑問人間如此稀不到寺門學枯
坐前生本著水田衣

朱庚年

號櫻園有韋門詩鈔

客中感春

春郊一眺望春風吹我衣桑柘有生意松杉多芳菲客心胡不
樂好景轉相違老妻憂我疾兒子望我歸無情爲草木有知明
是非兩載隔情話親戚應歔歔沿江覓歸人竟傷見面稀老人
登長路作伴得所依迢迢千里家恨不能奮飛春來日消瘦不
比往者肥黽勉加餐飯且將楮墨揮煊爛不可學平淡從天機
以茲聊見志養頤貴知幾雲烟任模糊弗計高眼譏

光緒僊居集

卷二十二

詩內編

八

故廣文秋船馮公

疇爲出羣雄我公實個儻傑句追謝眺鴻筆踵任昉一舉秋風
高文燄騰萬丈惜哉珊瑚鉤竟亦漏鐵網博士坐青氍得毋長
沙枉倒屣迎野翁往往襍酒黨縱飲放高歌興發時拍掌清吭
動梁塵秦青有嗣響書學勝思話草隸工兼兩醉題三益圖醒
跋九老像落紙驥奔泉神鋒何颯爽碑頌尤所長李邕差相仿
雅鍊緣精純猥鄙藉滌盪雖饒滿頭霜筆力仍崛強哲人今已
逝丰致猶恂恍人家擘窠書坐臥勞模倣

示四子

吾生酷嗜書兩目爲昏醫賴此靈臺存而不混善利謀道拙謀

生蕭然寡所嗜富貴任世求温飽非我志
遄榮辱亦隨何如守名義忍則神智全
謙則學業粹有才或自矜無乃爲世忌
知過速改之咎徵變休瑞讀易思豫防
履霜堅冰至一切衛生術盡如觀敲器
特語爾輩知貧困何足計幸生承平時
疏水亦快意

何明府際昌

八水鍾靈氣五原文雄少年已鶚薦
牽絲來吳東旋輒調吾邑爭看矣髯公
雖爲簿書吏饒有儒雅風任子工於筆
庾公興不窮開延邀詩客出郭騎花驄
不勝一杯酒能挽兩石弓平皋飛鵲起
一矢往不空餘事習青囊山川入眼中
指點衰旺理軒朗開羣蒙時解衣磅礴
雲烟藹瀛蓬偶貌維摩詰虎頭輸其工

光緒僊居集

卷二十二

詩內編

九

望月彈古琴軒岐亦疏通公擅不世才
仕豈當一同賢者不偶世一官仍未終
僑居寒土廬晨夕喜折哀神傾意又豁
塊壘胥消融一自南浦別三秋稀去鴻
猥蒙烹鯉問千里傳郵筒何當入吳會
一再聆焦桐

呈馮學師秋船

吾師得名三十年詩中聖兮酒中仙
春蛇秋蚓草法傳何必今世無張顛
公道門開疾著鞭竚將劍趨佩班聯
禮闈屢躋期何愆聽音誰辯燥溼弦
彼時空賦金門篇真人仍下大羅天
台州一官如鄭虔荒齋苜蓿寒青氊
天地生才不偶然或者有意遲大賢
誰言馮唐老可憐瞥眼芳名塔上鐫
朝朝袖惹御爐烟夜

來歸院撤金蓮紫綬金章刺酒泉風流豈讓黃庭堅

戴學師瀛三

婺州霞舉非人寰雲洞嵌空苔花班左右急湍巽巖間邃境可望不可攀我師前身應仙班謫下人世仍清閒高坐講席砭癡頑典籍古色成煊爛貫酒賦詩招老孱從前有作都可刪欲發不發審視艱一字破的笑開顏每逢菊黃柏葉丹獨自乘興看秋山欵收書劍故鄉還嶺東咫尺成陽關烟雨一望迷溪灣此情難已淚潛潛

鄒介亭明府

西蜀山川清且長代產偉人安四疆鄒侯年少富文章理法原

光緒僊居集

卷二十二

詩內編

十

本歸胡唐清思一縷金海陽他文駢儷宗虜王賢書首薦魁其鄉行年六十始爲郎謙謙君子度汪汪折節下士咨詢詳興除利害樂只商爲政得體存大綱迸邪嫉惡具剛腸欲化頑民使歸良左道惑眾勢若狂我侯一出咸披猖搗巢其穴捕厥亡但嚴首惡寬在旁城火毋令池魚殃上皇褒功出非常春風朝謁到帝鄉一從超擢隸殊方失我慈父黎元傷願仍稱酒獻公堂坐處猶餘荀令香

徐藜軒明府

南粵夙聞佳公子韋花家樹差可擬大賢仕路非百里有如鸞鳳棲棘枳簿書倥偬勞何似賴有英才迅如駛詩詞機杼非出

已乍讀拗折人牙齒嗜書愛畫入骨體縹囊緗帙堆滿几在官
寫書借小史此亦風流罪過耳時折寸簡邀名士元談矻俗皆
至理戴星不復計遠邇每過村塾輒停止喜與學童論不已張
皇幽眇闡奧旨何來飛語疑慧艾冤哉官服一朝褫東甌三載
遭遷徙雁山題詠不勝紀布襪青鞵返桑梓寒峻聞之爲拊髀
蕭然一馬馱行李贏得茅簷頌樂只

山寺

儘日棲山寺牕開四望明霜花浮野薄木葉下江輕地僻稀人
跡天空有雁聲莫因宋玉賦蕭索嘆浮生

平田寺

光緒僊居集

卷二十二

詩內編

十一

已知寺在青山上及到門前又有山百尺橋分雙碧澗萬株松
護一禪關蒲團小坐教心靜藤壁先年記手攀曾與同人遊小
墅西踰松嶺復南灣

遊南屏

一路風吹酒半醒苧衫櫻笠上南屏新陳竹有千竿綠大小山
分幾面青癡鳥銜螺時入洞老僧鋤藥懶溫經出門改卻來時
路又向烟村宿草亭

和吳月樵學師來韻

名汝霖錢唐人

野鴨難希鵝鷺蹤醉來盤薄寫幽衷敲詩偶爾留僧舍問字頻
應列學宮鹿洞近聞多弟子馬韉貧豈困英雄他時起草居鼇

禁猶帶仙山博士風

贈宗人琳十八小楷

字玉峯 武陵人

賢宰風流出粵中一時蓮幕盡文雄才名久爲宗資重尺牘猶
聞阮瑀工定武蘭亭成縮本彩鸞唐韻帶仙風向來競說西園
集繼美於今有阿戎

項斯坑

五代遺碑草路橫至今識是項斯坑只因到處人多說能使空
山記姓名

尋芳

病起尋芳興卻賒小橋流水幾人家我來春去無多日不見桐

光緒僊居集

卷二十二

詩內編

十二

花見槿花

汪銜

號菴庭 傳見文學

過紅柳園題壁

五載蒲桃逐漢臣還家已近玉關春如何紅柳園中過不見垂
絲繞路人

沙州種韭已成而去題園壁

色比青葱臭比蘭一畦留與共春盤老夫冒雨親收拾莫作尋
常苜蓿看

題高涼洗太夫人祠

老去貪尋古月氏東歸復謁洗家祠利名消盡無長策飽啖蒲

桃與荔支

朱邵英

字鏡蓉

山居感事

輶軒續錄

北望銷魂極西來說法尊深山幾歲月一榻老田園未得逢僧
話惟期避世存無心計衣食亭午不開門

林孫枝

字汝侃號鳳栖歲貢生有帚享集

弔戴節婦

戴玉蟾妻沈氏

青青女貞木託根山之阿上有松柏林得不縈蔦蘿眾視但小
材誰從辨杈枒我識戴家婦方當盛年華羅襦裏輕軀夫壻白
馬馱一朝馱何去如此呱呱何剔目殊弗事矢心乃無他繫茲

光緒僊居集

卷二十二

詩內編

十三

慰姑嫜仍此宜室家衛卽不以財所得良云多况有泉壤期未
容十年過急急催之赴去去乘雲車藐諸兒與女爨然經而鬢
爲足叨庇蔭安能待摩抄生爲女貞木死作連理柯君看墓前
植漸漸萌萸茅

烈女俞桂行

上馬人父炳聲生乾隆甲寅卒嘉慶己巳十一月十七日

目未睹羅與綺口未讀書與史畫縫紉夜織組慵鬪雙眉勤十
指時復經營到薪水不速來饋之簋胸未陳咄嗟耳人家生女
誰有此桂以爲名俞其氏西邨潘氏郎亦一農家子不令鳩爲
媒但令蹇脩理繫纓曾屬渠結帨未往彼忽傳郎病似火速瘍
醫不及攻五毒願言見女死瞑目女一聞之亂心曲抱柱郎約

堅正筭爺命速女不得命其何能淑欲往不果往天地爲躋局
路旁上馬石不爲女作明駝足對門雙魚山不爲女剖傳書腹
阿爺視郎胡不來萬死一生祇暗祝阿郎身上疔是女眼中釘
女不懷二心拔之恨不深寒風泠泠吹水凝冰敲冰汲井引餅
斷綆綆斷猶自可郎死安置我根抽兔絲生能弗萎心拔卷菴
不死何爲含淚語兄嫂善事我嚴慈努力與長兄甘苦同支持
阿嫂恐女死趨告女娘知阿娘恐女死惻愴涕漣洏女恐傷娘
懷強復爲進麩紛紛鄰婦來何多若姑若姊若姆婆甯惟慰藉
聲喧譁不入耳言亦相加或憐生小遭折磨或晒一死如愚何
或更語諄諄勸勿徒苦辛人間有路容蹄輪奚必滿眼生荆榛

光緒僊居集

卷二十二

詩內編

十四

況汝年十六花顏正當春櫻桃一點明朱脣雙瞳翦水光照人
短折潘家兒命薄知非汝匹倫匹汝合得何許郎驄馬繡衣裳
結言投釵鈿跳脫流金黃禮幣若干純錦段爛生光合昏花開
時黃道日辰良迎汝綵幃輿擁歸白玉堂藉地毯氍毹扶坐玳
瑁牀才郎卻扇來銀燭何焜煌乃知真壻殊未亡胡爲捐驅殉
天傷嗟乎彼婦口無乃太猖狂女雖聞之慘裂腸亦姑置勿與
較量而何阿爺與阿娘竟無一爲女主張一旦入媒議乃欲嫁
女東家王女于時刻難度一刳心無從愬白日已西頽天地亦
昏暮夜趁無人時竄身出門去地下從潘郎義不復反顧魚溪
潭水清且深卽此便是黃泉路女生旣烈死亦靈沈沈水底有

呵護鷓鴣羣驚飛漁人走叫嘯昨夜覓女家蒼黃今朝乃得女
死處是時仲冬天欲雪雲布濩出女入水中人翻忘寒沍阿娘
哭認果不誤可憐女身盡縞素觀者亦墮淚藉藉相告語潘親
家聞女訃轉痛女爲兒故逆女喪歸與兒合墓遥遥何處青陵
臺碧血和土茲一堆斷雲殘雨不到地悲風蕭撼吹氛不埃必
交梓木結根縈條枚不必交頸鳥雙雙鳴悲哀惟見桂生山之
隈不以無人而不開使人長挹清香來

朱節婦

諸生應旦華妻

婦之夫翁之子能讀父書儼之士胡天不弔溘然死婦之子翁
之孫鳩車嬉戲纔及春一朝淚灑青楓根嗟哉婦所遭何爲至

光緒僊居集

卷二十二

詩內編

十五

此極髡彼早棄捐藐諸又拋擲九死不作未亡人殘生聊復延
一息一息少延胡爲平阿翁之後猶可圖況婦已不有其軀安
惜環珥繡羅襦質之聘一宜男姝心爲翁兮殫區區但得翁爲
海中果婦死瞑目黃泉下

古井行

有序

己卯二月僕寓郡城友人應君投以王烈女紀事則江甯李
文燾筆也略云燾仲嫂王淑姑臨海人少從素輝閣主人洪
節婦受業嫻吟詠燾父宦象山時與姑父學博同官相得以
姑許字燾仲兄忽燾叔父書自金陵來云方爲兄聘吉氏女
父駭謂計退其一兩家不可無已議兩娶之事且諧矣獨姑

母恚日二女同居必不相得與其兩娶無甯我離姑知事中
變隱以己意乞姑姊妹白母母執不可卽齎還聘物內缺金
約指二尋議締婚他氏姑飲泣不食書我生不怨妾薄命只
怨不合賦二姓二語於牖間乘間赴井死年十九及拯出左
右手金環粲然姑蓋豫藏以貫指示不二於李也姑父以書
告父泫然曰是女死欲爲吾家婦也不可不成其志乃遣仲
至台逆姑主及小影一幀婦影端有齊次風宗伯詩一首題
貞烈云云此乾隆己卯五月事也越今己卯隔六十年郡兄
罕有知姑風烈而稱道及之者而李家子忽以紀事繫語曰
四明來訪求姑墓將啟櫬歸葬且徵詩焉卽有邑人達泉人

光緒僊居集

卷二十二

詩內編

十六

洪大令順德雲巢張郡伯二作語長心重而姑之幽光發自
矣敢附區區賦古井行

古井冽泉泉不枯誰其指此盟區區六十年前王家妹與李家
子聯葭葦下以鏡臺良匪誣重之父命非老奴而何天旣生淑
姑復生吉女如附塗幸吉不專攘之翰議合與姑同虞母也不
諒忽中渝舍李乃欲他是圖使女不得爲羅敷母亦空覓崔與
盧一失所天甘捐軀不謂人地無徑途摻誦烈女聲咽鳴古井
水句尤心摹兩句題牖詞則符一腔血性天賦殊指環成對刀
環孤化爲玦離云何吁此真素輝主人徒堅冰生水寒栗膚

素輝

閣洪節婦授徒處洪大令有句云素輝老人吾祖姑詔褒苦
節世楷模傑閣傳經廣育徒予生也晚見聞鄙不知祖姑有此

女弟子冰蘂
淵源斷在此

王節母壽詞

朝元路近青圭峯白水之溪環其東金母玉闕高穹窿珊珊步
處開丹封菱花寶鏡懸當胸碧鸞猶此涵孤蹤中庭峙鵠尤殊
羣將雛直上千青雲嗣君作賓食廩其世孫翔舞蹴落花繽
紛綺筵拂拂風生春恨未一親宣文君但隔絳紗聲如聞

桐江書院遺瓦歌爲谷音方丈賦

書院係板橋宋乾道進土方斲建以其先元英先生桐廬人
因名桐江久無存矣乾隆辛亥里人鋤田得一遺瓦谷音方
丈珍藏諸家出示索詩孫枝爲作長歌

光緒僊居集

卷二十二

詩內編

十七

古來塵劫經百千金碧過眼如雲烟金狄銅駝沒荆棘漚釘默
環埋田疇而况板橋一書院建在南渡孝宗年誰知風雅音未
寂遺瓦留落猶完全邨夫鋤得共驚視知非近代凡鈞甄背范
四字雖或識揆厥所由咸茫然谷音方丈嗜奇古一見感喟滋
流連顧謂汝曹昧源委數典吾敢忘溯沿吾家系從元英出族
望舊甲邑西偏逮宋進士斲公起廣置墨莊開硯田克紹家學
惠來學爰度甌窰營樓聯舍旁啟或容十笏眾徒庇曾叨一椽
室成不關弄璋瓦齋靜堪效運甓博躡履橐橐集世彥高軒隆
隆來時賢考亭登堂洒墨蹟梅溪訪道業家傳淵源當日溯所
自桐江引派流涓涓厯歲於今過六百滄桑陵谷隨變遷剝落

弗一存片石區區於我何有焉一朝出土仍故物須知先澤非
眇縣丈人深心溢言外甯惟諄諄蒙開顓攜歸拂拭意未已注
以清水手被湔出之泥塗登几席光氣照耀金石編乘便邀我
一賞鑒呼酒索賦新詩篇我觀厥形類今製徑廣較羸質厚堅
桐江書院文紀實長生未央殊祝延古色黠黯玉縹碧以管夏
拊其音碩世家積習貴彝鼎縱復得此終棄捐何似丈人今所
蓄虎頭非癡未非顛典重奚啻舊陳赤摩抄無殊遺栢棬脫一
睹物志復古剝上爲果蒙下泉奚必魚鱗銅雀供磨研乃爲珊
瑚織網珍珠船

荆星齋明府挽歌詞

光緒僊居集

卷二十二

詩內編

十八

萬里魂飛急乘蚪溘上征秋風空案牘夜月冷銘旌魚釜生前
夢羊碑沒後名千山環僻縣愁聽杜鵑聲

經項書院故址

宋釋願鴻遇明寺碑項斯之宅可尋
卽此其西有項斯坑水出介山南流

丹徒宦罷此爲鄉初地今經徧插秧書院逢人猶說項詩家異
代合宗唐溪山身後留名永風月生前樂事長標格未隨陵谷
變頻教回首立斜陽

庚辰秋紀

自五月不雨至於秋七月苗乃盡稿黍菽多不得下種粟價
翔貴二十日雨忽暴至加以烈風比夜滋甚越日大水界邑
諸山出水者悉潰崖衝岸奔滙大溪訖郡城而下勢極猖獗

累日始殺郡邑被害之酷不可殫述詩以紀之

今茲六邑半遭荒最是吾仙易被傷地盡不平山夾水天殊難

做雨和暘仙邑萬山夾水平疇少而石田多故晴易乾而雨易

漫渺未晴三日又言乾從來話道天難做天到仙居分外難

軫念民依究悉方害人詎解道此語乃舊志載時有踏災者但

見傍官路田頗耐晴雨而沿溪附山被水旱者目不及睹反至

以荒為稔甚如國初康令明遠值歲大饑重急賦役比戶逃

亡城中僅存十餘家方嗟旱魃侵禾稼轉痛陽侯割土疆更奈

以視尤公奚翅號鸞蛇師頻吐雹乘風竊發怒砰磅凡高山下土諸殖及田禾稍可

滿目夷傷態百千憑誰繪達九重天長官合覆詳災牘賢守

曾捐拯溺錢郡城被水郡伯德公避上後山見民居浸沒至舉

公不惜重貲偏之以託我長鑱仍歉歲寄人矮屋豈良田縱懷

次拯出全活甚衆利物將安濟憂樂徒勞別後先

吳忠恪公墓

孤墳峴鬱氣蒼然颯颯英風緬昔年萬死鋤奸誠動地兩朝秉

憲力回天子規曾叫東樓月石馬應嘶北闕烟陵谷只今非舊

曰白雲猶為護岡阡

重過吳忠恪公墓

一列蘭臺節偉然誰知標格在丁年曾經盤錯趨丹陛為逐鴟

鴟入瘴天自有姓名標國史何妨銘誌没荒烟重來落照松楸

路暮色青青草滿阡

光緒僊居集

卷二十二

詩內編

十九

縣庭雙柏

古今材大用雖難
百里終殊枳棘看
藉爾縣庭雙柏在
長留香
葉穩棲鸞

苔李寅菴明府

仙木蟠根遠龍門
激浪高谷谿流必
大模楷樹猶牢鍾
得中州
秀公河南許州人壬戌進士蒸爲盛世髦
揆摛才倚馬掇拾
志連鼇錦合

官坊織刀胡僻縣
操雙鳧離鄴土一
葉渡江濤宦績鴻
留爪辭
章鳳見毛羣黎歸
撫字多士就甄陶
來匪翔鷹隼行將
植李桃
觀風知念切任力
笑形勞枳棘思仇
覽匡綏緬子羔姑
臧葱韭
蓄單父瑟琴韜直
以雅懷拓兼之吟
興豪公餘常握槩
到處必
揮毫文旆詞壇建
詩禪酒國逃語堪
憑嫗解囊足付奚
挑自分

光緒僊居集

卷二十二

詩內編

二十

蛩螿響何當虎豹
嗥有言聲欲永無
問首空搔敢托緣
情性猥
云僕命騷百家供
鍊液衆志任舖糟
局促仍驚鈍羈棲
尚櫪槽
愁非千里駿幸遇
九方皋不作尋常
顧翻成淡泊遭幾
行賢令
賜十部鄙人叨潮
便看烹鯉雲開聽
奏璫新篇推哲匠
雅意到
吾曹索和偏於野
相期若在濠願茲
宏保障愧彼潤脂
膏異績
袁安上恩封卓茂
衰擬調工部律會
傍鄭公旄

郭再陽

字翹五有困亨錄遺草

勸學

耄年卻憶少年時
虛擲光陰不自知
分付兒曹須努力
白頭空
悔讀書遲

郭璉

字仲劉號華石道光壬午恩貢著飲月居詩稿四卷經義滙解二卷見其門人歲貢應鳴崗所爲傳

題許若愚明府八省紀遊詩卷

七古

邵伯湖邊有奇士厭讀時文讀古史每觀循吏輒抗懷道我將來當如是中年得官佐烏程松間日哦崔博陵苔雪所欣無醉尉龔黃偏喜有聾丞遂以廉能餉邊徼益州南部占使星昆明儘有佳山水何辭奉椒行萬里前驅合今負錦囊收取雲山歸筆底春深解纜經蠡湖箋賀彭郎婚小姑白傳琵琶信手續臨皋追和蘇玉局吟成不取烏紗籠勒向黃岡幾株竹武昌勝蹟誇南樓明月一江清夜游孤帆轉出鄂城曉雙獎飛渡洞庭秋桃源桃花橘洲橘處處留題維客舟水程直溯鴻江上高湧九

光緒僊居集

卷二十二

詩內編

二十一

磯曳百丈卻愁水盡山無窮烟溪瘴嶺圍黔中武勝關頭天一握摩崖絕頂驚蒼穹蠻獠風俗不勝記跣足披氍三尺髻行行遙望五華山踏遍盤江江上地操觚驛館紀炎方短幅長篇盡佳製歸來 聖主勞征夫 玉階召見 天語徐謂昔旌陽本仙吏卿今分得令仙居書名座右佇超擢安洲暫辱雙飛鳧此行登眺尤稱最水見黃河山泰岱三輔樓臺遼海問九衢燈火薊門外周游八省極大觀 京邸吏懸詩版翠珊瑚百枝珠百琲合繕一編真薈粹漫將蕪語跋公詩爲公誦與詩家知若問仙吏政何似仙民早已鐫口碑

客中登嘉禾煙雨樓

七律

鴛鴦決起綠莎洲
橋李城邊客思悠
避吏倉皇來澤國
隨人潦倒上湖樓
天低極浦家何在
草長橫塘水亂流
不信春風歌舞地
蠻烟蠻雨轉生愁

鄞江晚泊

七絕

落日維丹甬上村
白雲天外黯銷魂
狐帆到處鄉音異
惟有蟬聲似故園

應金心

號白沙有聲秋閣詩集

孝婦辭

爲陳孝廉作

夫若生肝可剖瑤池冰雪巾
中有夫已亡躬并白萬千辛苦一
身受自從破鏡不復圓
金閨寂寞吞聲久
年年紅淚落闌干朝

光緒僊居集

卷二十二

詩內編

二十二

朝露蟬嘶殘柳兒命薄如絲
良人固有後手中針線密密縫機
邊課讀師兼母憐我但有負杖翁
願與孫兒隨左右有子事親
不盡年少婦堂前進旨酒
進旨酒養吾舅吾舅怡然酌大斗
君不見高行播淮陽黃金賜太守
養姑舅原非殊今世陳家乃復
有孝婦

打蕨歌

南山之南北山北
山中樵子多菜色
自言力田未有秋
采蕨聊以當粒食
出門長嘆粒食艱
穿林直上薜蘿間
剗盡陳根披盡
葉挑來嶺外夕陽殷
大婦分開手盈掬
小婦排成手瀝漉
蓬頭椎髻向溪干
千碓百鍊響空谷
歸語兒童飢莫啼
淘來白粉滲

如泥煑餅蒸糜任爾爲香味不必添錫餠一日辛劬纔一飽林
鳥初鳴趁天早家家勤動無已時以此代食稼穡寶今歲山人
喜逢年好將蕨粉去輸錢不信城中肉食者日高三丈猶安眠

徐霞山

字錫章一字倬雲號聽濤大松壩人拔貢珍之曾祖也
有哦松館詩稿燬於寇卒年八十二與子漢澄皆諸生以耆德稱

夏日齋中漫興

七律

斗大蝸廬膝可容窗前斜壓幾株松恨無好友同消夏聞有名
山卽曳筇詩擬彈丸新脫手酒因塊壘欲澆胷綠雲深處秋先
到一榻清厥午夢慵

張日怒

字如心號南陔縣後張人與兄曰忠友愛最篤子長
齡兄子岳齡皆諸生有五經注釋二十卷

光緒僊居集

卷二十二

詩內編

二十三

山館初夏卽景

三間老屋枕溪涯綠柳垂絲半掩柴一角小山青欲滴半灣流
水淨如揩風聲透竹頻敲瓦月影隨人漸上階雨後看花園徑
滑宵分猶自著櫻鞋

郊行

一里兩里水拍堤三間五間屋枕溪野鳥見人不知避飛立水
牛背上啼

張文

號蓮舟道光歲貢

三峯館中冬日卽景

獨坐書齋冷不勝圍爐火氣喜騰騰風寒屢補窗間紙夜永頻

挑案上燈鋤筍撥開三徑雪
煮茶敲碎一池冰
祇因愛曝天邊日
十二欄杆已徧憑

朱亢宗

字紫笙拔貢有香雪山房集詩

肩輿自溪入黃巖界
終日行萬山中與雲出沒從者或對
面相失詩以狀之

前車與雲迎雲欲推之出後車辭雲去雲欲捲之入是山是雲
多不分人來踏雲雲觸石有時矗立欲互霄怪峯如人驟起立
有時向背作低昂對面包山忽相失忽然長風掃雲去山氣浮
青雲捲白千峯萬峰并一峰雲復埋山山露眷風力居然并翦
快刮書皮毛山山骨須與人境判鴻濛咫尺天光開鬱喬君不

光緒僊居集

卷二十二

詩內編

二十四

見太山太行名久垂車屐欲往遠難必萬山深處我久居此境
卻從今朝得

目烏石嶺舍舟行數里至海旁晚入海山間日漸暝望海
波浩浩海山蒼蒼坐橋頭待從者時聞怪聲夜入大芙蓉
小芙蓉

江行餘十里江盡乃舍舟舟人指示我此是烏石之嶺頭此地
山低亦名嶺此間冬盡尚如秋但覺天到寥闊處斜陽遠照俱
空幽須臾至海旁天風吹人來颼颼一白無際不可留天空木
落斜陽駛返照入林林色紫前行不知幾千里海山蒼蒼迎面
起迤邐蛇行山谷裏山回路斷架危橋耳邊彷彿聞江濤亦有

懸崖縛茅屋亦有古寺頽山腰我欲就此度清宵燈光影裏無人招

顛崖詰曲流水迴窮林漸陰風聲急絕壑連雲乍明滅怪石如人相對立忽然山燒連遠山遠光照入青林間昧晦閭漠中微辨觀音巖

高巖陡落逕路低海波斜滙成山谿谿流斷處山田闊一橋天半橫虹霓從人前後互相失月光照路驚熹微波潮衝斥盡成鹵無人道海濱苦何年築堤界中外滄海桑田變如許

巨浪不必驚乘風長堤壁立當其衝開山鑿險自何人人力所到天無功天幽幽地漠漠凝眸堤外何寥闊崖下孤雲白似我

光緒僊居集

卷二十二

詩內編

二十五

同飄泊呼聲未罷風聲作隔山從人遙相諾幽崖時時怪聲發非鬼非禽究何物驚起山禽飛磔磔窮崖茫昧有如此不識山中清幽更何若吾生真好奇萬里一芒屨萬象直窮混沌初雙鞵欲遍海天角一霎游行少達觀千言著作真堪噱

坡平山店接屋小人語襍此是芙蓉村三兩人家互迎合麤醜村夫覺嫵媚聞言啟戶解延納爲我燂湯暖胸膈爲我南窗對懸榻持杯再敲詩解衣燃紅蠟村翁大笑爾何苦殘年中來騰踏不見前村沽屠蘇我已安排將餞臘

沈貞婦

婦王氏蕭山人臨海校官沈勛齋妻也

清風嶺上王貞女一死經今五百年女也死於賊其事至今傳

廟祀隆隆首冠越山川只恨鐵崖詠後無佳篇天荒地老異人
出越人又道貞婦王氏賢歲在咸豐辛酉秋九月紅巾百萬驚
蕭然官吏走且顛王氏挈老媪無奈郎君遠宦海東偏風鶴不
相聞烽火嗟連天轉瞬四鄰飛炎烟王氏麾老媪汝去勿留連
我爲命婦正命死肯與若輩同瓦全賊人驚相顧云何沈家火
中開出九朵蓮貞魂夜渡曹娥水恰與清風王氏同聯翩沈君
聞之涕泗漣客窗爲我述邀我譜哀弦君語未終鼻已酸恨無
崖鐵筆闡幽慰九泉起拍闌干望東海海深無底安得精衛填

天一閣

我纔釋芒屨乘興登此閣萬卷集圖書風流尚如昨上有萬琳

光緒僊居集

卷二十二

詩內編

二十六

琅下有千琅玕小亭足看書繞亭池影寒花木極瀟灑位置儼
山野此是大嫺嬛共說小司馬

題王子莊柔橋隱居圖

一幅隱居圖有圖安可隱先生淡蕩人茲意託孤憤憶昔丁亂
離華屋若朝槿晨興棲鸞鳳暮景聚蛇虬存亡一彈指痛定那
可忍故居已叢棘世事戒來軫柔橋得嘉名老氏道惟牝兒童
向紛紛賢愚共泯泯聊從野人獻敢謂夫子哂

攄園先生韋門集刻成書後

攄園老人才無敵振地拄天一枝筆作詩作畫由天性興來一
寫風雨疾縱橫才氣少年時獅兒墮地矜殊特秋墳吟出鮑家

詩鬼怪山精皆辟易墨花一灑生面開天地精華藏不得晚年
放筆還太初別從慘淡行筆墨凌韓轅杜追陶謝排龔屈董溯
韋畢從來詩畫兼者難公更變化杳莫測吾鄉江山稱絕奇賴
有偉人扶真迹丹邱去後三百年零落山川無顏色真宰英靈
怕寂寥地老天荒出此客曾走名山搨碑碣遍游蓬島搜巖壁
篇章苦向胥商和丹青幾應屠沽乞淪落江湖三十年茫茫宇
宙無人識興盡天涯涕淚歸一樓風雨老山僻往日田園隨手
盡充囊歸貲過眼擲窮途畫筆逾自珍一縑投來逾千日顯者
到門拒勿應自把歌詩慰寥寂翻恨不如丹邱生奎章閣上猶
垂蹟吾生也晚公已死零箋斷墨教人惜可憐琳琅萬首詩當

光緒僊居集

卷二十二

詩內編

二十七

年漂泊都散逸大兒相示遺稟詩只從晚年苦收拾蓬廬一編
藏劍光欲公人間更無力丹青變化同雲烟詩文殘落更飄忽
只恐千秋姓名湮畫史詩編多遺失吾宗好事亦賢者一笑快
爲付剗刻挑燈讀罷醉題詩簷霜皎皎秋月出

題灞橋詩思圖爲桴園老人

庚年

遺筆

火雲炎炎燒天赤枯毫何處杼吟筆高堂驚看老仙畫移得雪
山張四壁瓊瑤堆滿橋頭峯流水無聲雪花中前有一鄭絮後
隨一小童吟成應詫天花落鞭兀能將寒威衝老仙自把吟懷
寄奇興獨闢非畫工笑拂塵尾試一看一時四座生涼風人間
何處消煩熱江山如此差奇絕安得身移畫裏居萬朵奇峯滿

天雪

水簾寺前觀水簾瀑布

我從董壩門前望水簾一條玉龍三回折又從山寺門前望水
簾兩端噴瀑中橫絕下輿卻復到山前但見翠石壁立水濺濺
有時忽飄作細雨有時忽迸成流泉有時散笛竹織簞臨風懸
有時聚匹練當空忽右旋有時急刀劍當心山腹穿有時緩珠
璣亂灑千點圓大聲斷續若調弦細聲瑣碎如鳴蟬山回路轉
無人處餘響隱隱爲風傳君不見黔州之泉稱漏洑東陽之洞
名水樂溪山到處有奇緣有生何苦羈塵腳宇內水簾三十六
何如茲水愈細境逾博大澇不增旱不涸餘流蝸盤去不覺目
光屢眴成驚愕翻愛崖垠多犖确我欲移家來誅茅築草堂朝
朝對水簾心地自清涼莽莽浮生何紛糾明年又向長安走白
雲有約不我留筍將風中屢回首

兩生行

東王杏村并以堅其北行之意時客蒼溪

狂風蕩蕩城門開山城一夕飛塵埃風來蓬勃擺不去城中乃
有兩生住一生趨時百不能狂歌好作荒唐聲有時狂語襍怪
語大笑不顧神鬼驚一生絕好經綸手生不遭時且株守才氣
發洩成正聲神明操縱龍蛇走莽莽雲山閱幾春兩生同作山
中人豪探石園花間踏南峯雲秋風吹動槐黃樹兩生同上錢
塘路暮辭西陵船曉問西湖渡江山走遍異人少兩處湖山看

徒好狂來臨風慟一聲醉中焚卻微吟稿應世茫茫百不恨只
恨青藤已去山農老吁嗟乎男兒置身有根柢閉置新婦真堪
鄙下筆原自有千秋動足便須輕萬里五上錢塘不稱意斗大
山城身難駐抖擻半生破征衣明年西上長安去一生欲去一
生悲引杯看劍投袂起孤居鬱鬱豈能長決然一去爲佳耳一
生欲去一生喜長途難得同知己雨卽就宿風卽餐不須寂寞
嗟行李此中悲喜非人知填膺心事將語誰庸碌紛紛何足齒
世上誰是青雲士眼中之人吾與爾息壤好指蒼溪水

過秋聲閣弔應白沙先生

談經論史意縱橫此老當年最不羣眼小翻能空宇宙目瞳甚小耳

光緒僊居集

卷二十二

詩內編

二十九

聾偏愛述奇聞

晚年耳聾而好談

生前慘說天中節

先生兒亡其媳朱氏以午日殉烈先

生輯宇內旌表詩署曰天中節表丹忱錄

死後虛修地下文回首半生淪洛恨幾人

知己似吳君

先生迂拙赤貧邑令吳公裕中以千金贈之始獲裕如其高風絕世也乃詩集中竟未之及何哉

臨海王郁蘭女史嫠居三十年以授徒自給其子某介予
姪以詩彙見示題一詩還之

卅載嫠居最寂寥千篇高詠自清豪傳經便是伏生女補史還
如曹氏昭婦職能教男請業文家反藉武承祧其子得武世襲披沙揀
得金如許儲作吾家副本鈔

盧仲生學博以避亂詩見示

不學王孫泣路隅盧仝詩骨自清癯莫嗤冷宦成寒乞我已無

家一載餘

盧詩有云冷宦味偏酸
苦試乞人態任往來看

張一金

號漁溪諸生

夏日偶成

七絕

山居不怕豔陽天
向午移牀帖地眠
一枕微涼新雨後
竹陰深處聽鳴蟬

張麗生

號蕊宮歲貢

和宋聽石孝廉看菊感懷

八首錄三

心腸鐵石舊知名
千載悠悠一廣平
謂聽石曾賦梅花成絕調
又吟黃菊寄閒情
骨饒富貴身耽隱
眼放乾坤物自輕
江上清風山上月襟懷迸出洞簫聲

光緒僊居集

卷二十二

詩內編

三十

老我桑榆感不禁
回頭可有綠成陰
根株何至同衰柳
顏色安能比上林
屋角低頭窮有相
牆陰箕踞傲無心
奚童豈漫開門埽
快賁新醪對月斟

湖烟湖水碧迢迢
夢到西泠訪六橋
忙我青山雙蠟屐
多君畫舫一枝簫
徐熙粉本人爭羨
聽石工畫菊杜牧衫痕酒半消
猶記當年同插帽
冒風冒雨問南朝
岳墳園丁種菊最盛過兩峯者爭買

王鏡瀾

號月坡己酉拔貢廣東候補知縣

舟中卽景

烏篷船上晚風涼
掛席行過酒店香
放眼溪山都入畫
半江紅樹對斜陽

我本山中行脚人飽看山水亦前因此生未了功名債還著芒
屨再問津

卽景

池中春水碧於油幾個游魚逐浪浮倒映花光明若鏡一叢新
竹隔牆抽

王魏勝

字杏村歲貢有天香樓詩集

放言二章

看人龍虎如許呼我馬牛亦甘但有浮雲西北更無竹箭東南
其二

行過新亭無淚諸公大袖褰衣何止江河都異傷心風景全非

光緒僊居集

卷二十二

詩內編

三十一

知者塔院五瓦爲陳臥樓賦

陳琳策馬赤城巔歸持片瓦喜欲顛佛壠之陽偶拾旃大業迄
今歲逾千風雕兩琢色轉妍一角微缺形則全年款兩行左旁
鐫點畫欹斜態翻翩古質爛斑入眼鮮令我拂拭重流連吁嗟
乎今古滄桑幾變遷桐柏宮基犁爲田唐碑宋碣隨雲烟瓦乎
瓦乎爾獨傳山雲呵護年復年付託有心非偶然物聚所好信
不愆亟拂輕塵濯清泉酬以雅贖詩百篇蕭齋日夕相周旋好
伴東晉永和甄

嶧浦陳長官祠

扁舟夜半剡川馳皎月清風岸泊時巍然一廟山巔峙云是東

晉長官之神祠

案赤城志乃東晉非石晉

長官陳氏籍會稽生前曾職樂安

司我之先人千載上當年應荷長官治典籍之亡遺老盡事已
有無不可知又聞吾鄉南宋謝深甫當其落魄困藩籬寄身廡
下飢欲死富貴功名預告之果知樞密符神語亟煥神祠答神
施奇事流傳耳熟久台志剡志有其詞英靈今豈異於古胡爲
百年寂寂直至斯我來宇下肅衣拜薄芹一束酒一卮等是當
時舊部民神倘有靈不我欺翹首太空秋氣清英風颯颯寒透
肌

自題畫石

米顛一去奇石無千載埋沒塵與塗珠遭按劍玉別足區區片

光緒僊居集

卷二十二

詩內編

三十二

石胡爲乎我生於世百無嗜深情一往古爲徒名書名畫偶取
將明窗淨几聊自娛興廢輒思汙漫游恨不名山水與良朋俱
四十年華七尺軀株守空山困一隅昨者偶觸西郊勝憶有南
宋直學之故廬后里遺踪猶可識穹碑鐫刻未模糊平生憑弔
輕千里矧此一十五里途非紆好古同心大有人那計盤屈路
崎嶇誰知相隔八百年淒涼觸目增嘻吁婺源之交東陽字多
年靡碎埋榛蕪摩抄急欲一細讀石爛字蝕何從摹是時興趣
已索然便欲相攜舊路趨村老爲言澗有石花巖錫號古非誣
往往好事者不憚搜羅劬緣溪上下處處尋所見絕不所聞符
大者如拳小徑寸瑣碎只合棄通衢一二間足資點綴粗疏未

經造化爐寒日欲墜西風戰驀然一見驚璠璣同人競賡得寶
曲欲行且再立斯須是誰棄捐襍亂石嗚咽無言眼欲濡雙手
捧付奚奴手護惜奚啻千金壺與汝相遇良非偶道旁那恤鬼
擲揄刊落皮毛真骨出山齋良夜祥光鋪方廣尺餘厚三寸何
以盛之白玉盂洗盡人間嫵媚相其貌不瘠神非枯玲瓏透露
難方物天然一幅真畫圖商量丹青倩妙手問世誰爲寫生之
倪迂吁嗟乎支機之石傳張騫仇池之石誇大蘇遙遙已竊千
古名以石例之誰有殊石乎石乎汝今得我爲汝主我方爲汝
哭不遑爲汝諛憶昔吾鄉全盛時閣學避賢厭華膺畫眉潭畔
置亭閣兩岸夾植桃李與芙蕖如汝英英不凡材賞識定應垂
青臚所嗟湖山一集 祕府藏雖有題詠同嘯嘯滄桑再變人
事改俗眼安辨玉與珉牛羊踐踏村童睡視汝何曾值錙銖我
不能文慚米老焉能令汝聲價媿碧瓏幸多詞伯寵華篇作記
況得健筆之鴻儒把琰問石差勝在山無石不能言我嘆息千
秋遇合之難有是夫

吳康肅墓

千秋陳蹟未全刪松柏淒清翁仲間鼎勳高標宋史林泉味
永避秦姦公故與秦檜有舊官秘書時檜已登相恨名賢墨燦

碑千尺神道碑朱子撰故徑花空水一灣畫眉潭去墓半里公昔栽花

發水鳥依人碧波卻憶遺書儲秘閣人間何處讀湖山公著湖

紅舫不減西湖

王殿安

字獻夔號峇宮秀溪入諸生弟殿元字獻階附貢

寄弟獻階

操管埽浮靡發言爲心聲文章與器識所貴能合并作者洗塵
障雲府照靈明靜闢帝王境高餐魏晉英往往山水什滌人耳
目清感時并憂事論畫尤縱橫浣花狀忠愛劍南抒悃誠唐宋
兩大匠參執力交營吁嗟六合內何由睹昇平有才爲世寶川
嶽潛降精緬想雲間側方期威鳳鳴

憤激作

丈夫生世不能躍馬陷重圍手斬樓蘭伸國威便當縱橫走萬

光緒僊居集

卷二十二

詩內編

三十四

里覽盡五嶽飄然歸奈何偃蹇空山裏錯莫動與懷抱違帝家
筵暖梁關曉貧士銜冷齏粥稀思魚枉彈馮鋏披蠹誰過董
子幃四十坎珂快意少枕書酣睡閉巒扉荆妻置酒促我起幽
夢驚破猶依微嗒然一笑倒瓶飲屋角冉冉沈餘輝桐花滿地
春將暮伯勞啼向青林飛興酣脫幘仰天問汝胡聾瞶任人非
鬢毛蕭颯羞看鏡醉膽輪困杯復揮東海鯨南山虎會須磨劍
屠汝血濺衣安能鬱鬱守窮巷鄉里小兒許相依

吳

琮

字玉粟副貢官刑部員外郎

甲戌五月九日招同人集松筠菴爲消夏之會於是予羈
職長安者五年矣急景易邁良會不恆口占二詩聊志歲

月

招得冰心客同登諫草堂塵凝花外靜風度竹邊涼宦況秋曹
冷年華吏隱長銜杯北窗下聊共傲羲皇

昔日容城宅招提已改觀應官齋鼓咽視草佛燈寒薄宦苟全
易浮生不朽難壁間讀遺疏弔古恨無端

何 暉

字曉林拔貢有鯉池仙館詩草

盧仲生司訓避亂到皤余與同入萬竹山樓居看山終日
不厭亦所好也

踉蹌五日走溪灘病目相逢識面難乞食方知貧士苦

盧乞食五日

贈綈誰念冷官寒

盧敞衣單薄擬贈綈而未就

萑苻獨甚吾曹劫

途遇盜劫衣帽等

光緒僊居集

卷二十二

詩內編

三十五

物

山水終須我輩看面面窗前柯九畫倚樓鎮日亦粗安

痛吳君克明陳亡

咄哉吳君文戰一枝筆乃能化作長槍與大戟持向敵壘鋒莫
當幾次殺人刀頭赤火箭雙飛斃兩賊頭顱卻被向空擲痛君
洒淚在空山應作萑宏碧血碧

題王子莊

菜

柔橋隱居圖

君厭囂塵居結廬在山麓世事百不聞惟知抱書讀坐此秋樹
根瑤編映紅綠萬山與千卷供我心賞足忽何城門火魚殃及
老屋薪木猶毀傷照眼况編軸未遭祖龍炬只此郝隆腹

登明州城樓遂上天封塔

天封高出白雲端拾級連登十四盤眼看雪峯都在下

時積雪未消

身游風穴不勝寒

又大風植

江流東瀉檣帆疾河水中分襟帶寬最

喜塔前高鳥止一蜚遂可九霄搏

陳殷

字兩樵丙子恩貢有言石山房詩稿

黃梁陳竹枝詞

紡車聲歇日初西三尺茅檐低復低妾洗衣裳郎渡水大家同

列後門溪

村外水名

家家爭採木棉花山外斜陽晚興多十歲女兒慵紡績學騎牛

背唱山歌

田家多使少女牧牛

初夏偶成

光緒僊居集

卷二十二

詩內編

三十六

山前山後白雲飛池北池南綠漲肥村婦攜籃買桑去山僧荷

笠摘茶歸

入眼新秧綠似針薰風漸欲譜瑤琴日長醉罷渾無事閒打青

梅立樹陰

冬夜枕上

西風冷逼小山房撲地聲聲木葉降聞碓方知家近水吹燈初

見月橫窗紗廚積食忙飢鼠深院無人靜吠虬自拂重衾寒不

寐再然獸炭煑無雙

許氏

錢塘人爲粵賊所虜流落仙居村農姚氏納爲婦貧困不堪竟以憂死聞者惜之

思家詩二首

流離瑣尾幾經年憶到家鄉卽惘然我本有緣今是夢身因無
主任多遷家如白水貧堪洗人似黃花瘦可憐不信紅顏多薄
命只將心事訴青天
莫解蒼天苦忌才此身都是劫中來全家骨肉今何在滿目山
河志盡灰意欲忘憂憂轉起心思解悶悶偏催流鶯不管離魂
苦夢到家山卽喚回

徐世蔭

原名簾號笙谷咸豐甲寅歲貢有紫雲山房詩鈔

肄業萬松書院登鳳凰山覽古

君不見朝潮夕汐長江水閱盡興亡送朝市白馬紅旗滅沒閒
巽風遙向海門起海門之西名鳳凰飛鳳翥開明堂千年王
氣一朝盡禾黍離離多夕陽我來弔古披榛棘翠鈿珠牌猶拾
得惆悵披香閣上人當年可是傾城色御校場空鬼火青風吹
白日晝冥冥樵歌牧笛無人處更有啼鶻不可聽

謁張睢陽廟

風旗髣髴下江濱猶見危城百戰身忍使江山無捍禦要令寇
賊識君臣魂歸朱鳥天常黯血葬萋宏草不春萬古南雷同血
食陣雲邊月想威神

南峯晚眺

閒步南峯上斜陽欲滅時水流雲氣薄山聳月光遲帆影前灘
落人煙古樹迷憑欄看不厭檢點入新詩